

**PRESS NOTE ON THE MIZORAM RIGHT TO PUBLIC SERVICES ACT, 2015**  
**ON THE OCCASION OF “MEET THE PRESS” PROGRAMME AT I&PR**  
**AUDITORIUM ON 01.02.2019 (11.30 AM)**

Mizoram Sawrkarin mipuite hnena “service” chi hrang hrang a pek chhuah thinte hunbi tiam chhung ngeia a pek chhuah thinna tur dan “The Mizoram Right to Public Services Act, 2015” chu ni 01.12.2015 khan hman tan a ni a. He dan hian India khua leh tui te chu Sawrkar in service a pek chhuah thin te dilna an thehluk atanga hunbi tiam chhunga an dawn ngei ngei na turin dikna chanvo (right) arawn pe a ni.

The Mizoram Right to Public Services Act, 2015 hi Mizoram Legislative Assembly in tahrik ni 24.03.2015 khan lungrual takin a pass a, Mizoram Larsap (Governor) in tahrik ni 25.03.2015 khan a pawm a, Dan a lo ni ta a ni.

**He dan hian tute nge a huam?**

The Mizoram Right to Public Services Act, 2015 hian Mizoram pum pui a huam a, mahse Sixth Schedule hnuiaia Autonomous District Council te’n he dan hi an adopt anih loh chuan a huam chuang lo. He dan hian sawrkar hnathawk nghet zawng zawng te a huam vek a, chutih rualin heng a) casual leh daily rate a thawk te b) contract a sawrkar in a rawih te (an contract ziah in a phal anih loh chuan) c) Sawrkar mi pawimawh bik, an hnathawh leh kalphung India Danpui (Constitution) in a tarlan te d) Sawrkar hnathawk India Danpui hnuiaia Schedule parukna (Sixth Schedule) hnuiaia inrelbawl bik te a huam ve lo a ni.

**He dan hnuiaiah engtin nge “service” sengluh anih?**

Section 4(1) in State sawrkar ah thuneihna a pek angin he dan hnuiaiah hian mipui mamawh “service” hrang hrang te a tul dan ang zelin dah/sengluh theih a ni a. He dan hnuiaia “service” dah tawh chu a diltu hnena pek chhuah hun tur “hunbi tiam” (stipulated time limit) siam zel a ni a. He dan hnuiaia “service” dah tawh chu a pe chhuaktu tur “Designated Officer” State sawrkar in a ruat zel bawk a ni {Sec 4(2)}

**Eng “service” te nge he dan hnuiaia sengluh tawh?**

He dan Section 4-na tlawhchhanin Mizoram Sawrkar hnuiaia Department hrang hrang paruk heng – Transport Department, Taxation Department, Rural Development Department, Finance Department, Social Welfare Department leh Public Health Engineering Department te’n mipuite hnena “service” an pek chhuah thin sawmli leh paruk (46) te chu India khua leh tui (citizen) in “service” pe chhuaktu Designated Officer hnena ziaka dilna a thehluk atanga hunbi tiam chhung ngeia an dawn theihna turin Sawrkar in *Notification* a lo chhuah tawh a ni. The Mizoram Right to Public Services Act,

2015 hnuaiia “service” sengluh ve loh service hrang hrang te erawh chu mipuite’n hunbi tiam chhunga dawng turin dikna chanvo (right) an nei hran lo a ni.

He dan hnuaiia “service” sengluh tawh hunbi tiam chhunga pek chhuah thin tur langsar zualte chu:-

<b>“Service” hming</b>	<b>Department</b>	<b>Designated Officer</b>	<b>Hunbi tiam</b>
MGNREGA hnuaiia Job Card	Rural Development	BDO/Programme Officer	Ni 15
Professional Tax Clearance Certificate	Taxation	Assistant Commissioner	Ni 3
Mizoram Societies Registration Act, 2005 hnuaiia Registration Certificate	Taxation	Registrar, Firms and Societies	Ni 5
Indian Partnership Act, 1932 hnuaiia Partnership Firm Registration	Taxation	Registrar, Firms and Societies	Ni 5
Driving Licence Smart Card nen	Transport	District Transport Officer	Ni 4
Duplicate Driving License Smart Card nen	Transport	District Transport Officer	Ni 2
Driving Licence renew Smart Card nen	Transport	District Transport Officer	Ni 2
Learner’s Driving License	Transport	District Transport Officer	Ni 2
Vehicles Registration Smart Card nen	Transport	District Transport Officer	Ni 4
Vehicle neitu	Transport	District Transport	Ni 2

nihna thlakna (transfer of ownership)		Officer	
Vehicle Fitness Certificate	Transport	District Transport Officer	Ni 2
Mimal hnenah Water Supply Connection	Public Health Engineering	Sub Divisional Officer	1. Dilna thehluh atanga sanction : Ni 30  2. Pawisa sen tur thehluh atanga tui supply pek: Ni 30
Disability Certificate	Social Welfare	Assistant Director	Ni 10
Adoption Certificate	Social Welfare	Programme Manager, State Adoption Resource Agency	Ni 30
Pension Payment Order	Finance	Deputy Director (Pensions) – Aizawl, Champhai, Serchhip, Kolasib leh Mamit District; Assistant Director, Southern Zone – Lunglei, Siaha leh Lawngtlai District	1.PPO hi Superannuation Pension ah chuan thla tawp last working day ah pension papers te fel fai taka pension hma thla 6 ah thehluh kim anih chuan pek tur a ni  2.PPO hi voluntary retirement/inval id pension/thihna emaw anih chuan pension papers te fel fai taka Department te'n

			an thehluh atanga ni 30 chhunga pek tur a ni
--	--	--	---

He dan Section 4-na hnuaia “service” hrang hrang hunbi tiam chhunga pek chhuah tur hi Mizoram Sawrkar chuan *notify* belh zel a la tum bawk a ni.

### **Hunbi tiam engtia chhiar tur nge?**

He dan hnuaia “service” pek chhuak hunbi tiam hi dilna Designated Officer emaw sawrkar hnathawk mawhphurtu dang Designated Officer in a ruat emaw ten an dawn ni atanga chhiar tan tur ani ang {Sec 7}. Hunbi tiam chhiar nan hian “Sunday” leh sawrkar in “public holiday” a puan te chhiar tel loh tur a ni {Rule 4}

### **Service diltu mipui te mawhphurhna:**

Khua leh tui te’n he dan hnuaia “service” te dilna kan thehluhin fel fai taka dilna form awm apiang te ziah leh document thehluh ngai apiang thehluh tur a ni a, tin, he dan hnuaia “service” te dilna kan thehluhin Designated Officer in a dawng ngei tih hriatna “Acknowledgement Receipt” lak nachang hriat a tha hle a ni

He dan hnuaia “service” te dil turin he dan hi chuan dilna form a hrangin a siam lo, kha “service” pe tu Department erawhin dilna form an siam thin tlangpui. He dan hnuaia “service” te dil turin a hrangin he dan hian fee bituk engmah a nei lo, kha “service” pe tu Department erawh in fee an siam thei thung.

### **Service petu sawrkar hnathawkte mawhphurhna:**

Sawrkar hnathawk “service” pe chhuaktu “Designated Officer” a ruat chuan he dan hnuaia “service” dah tawh te chu a diltu hnenah hunbi tiam chhungin a pe ngei tur ani {Sec 6}. Designated Officer chuan Officer dangte emaw sawrkar hnathawk dangte tanpuina a tul ang zelin a dil thei bawk.

Designated Officer chuan “service” dilna thehluttu hnenah chuan dilna a dawng ngei ani tih lantirna Form-1 hmangin “Acknowledgement receipt” a pe tur a ni. Designated Officer chuan “service” a pek chhuah turte vantlang hmuh theih turin Form-2 angin Notice Board ah a tarlang tur a ni.

Designated Officer chuan “service” dilna a dawn chu hunbi tiam chhungin a pe emaw dilna chu chhan leh vang mumal tak nen a hnawl thei ang {Sec 7(2)}. Dilna hi hnawl anih chuan chhan leh vang mumal tak ziaka pek ngei tur ani thung.

## **Lungawilohna thu engtia thlen tur nge?**

He dan hnuaia lungawilohna thlenna tur pakhatna “First Appellate Authority” leh lungawilohna thlenna tur pahnihna “Second Appellate Authority” te State sawrkar in Section 4(3) hmangin a ruat vek a. First Appellate Authority chu Designated Officer aia nihna sang zawk ani tur a ni a, chutiangin Second Appellate Authority pawh First Appellate Authority aia nihna sang zawk a ni tur a ni.

Lungawilohna thlen tum khatna hi “service” dilna siamtu khan a thehlut thei a, “service” dilna an hnawl emaw atanga ni 30 chhunga siam tur a ni a, engemaw harsatna bik avanga dilna thlentu in hun tiam chhunga lungawilohna a thlen theih loh in ni 60 thleng hun hi pawhsei theih ani. First Appellate Authority chuan lungawilohna a dawn chu ni 30 chhungin a ching fel tur ani [Sec 8(2)]

First Appellate Authority chuan Designated Officer chu “service” dilna hunbi tiam chhunga pe tur in thupek a siam thei a, tin, lungawilohna thu pawh a hnawl thei bawk [Sec 8(3)]. Lungawilohna thlenna atan hian Fee engmah pek a ngai lo [Rule 6]

First Appellate Authority thuremna a lungawilo Designated Officer emaw “service” diltu emaw chuan lungawilohna hi Second Appellate Authority hnenah ni 30 chhungin an thlen leh thei a, engemaw harsatna bik avanga dilna thlentu in hun tiam chhunga lungawilohna a thlen theih loh chuan ni 60 thleng hun hi pawhsei theih a ni.

Second Appellate Authority chuan lungawilohna a dawn chu ni 30 chhungin a ching fel tur a ni [Sec 9(2)]. Second Appellate Authority chuan Designated Officer chu “service” dilna hunbi tiam chhunga pe tur in thupek a siam thei a, tin, lungawilohna thu pawh a hnawl theiin thutlukna dang pawh a siam thei [Sec 9(2)].

## **He dan hnuaiah hian eng hremna te nge pek theih?**

First Appellate Authority chuan Designated Officer in a chhan leh vang mumal tak awm lova miin “service” a dil a pechhuak duhlo nia a hriat chuan Designated Officer chu ₹500 atanga ₹5000 thleng a chawi tir thei.

First Appellate Authority chuan Designated Officer in chhan leh vang mumal tak awm lova miin “service” a dil chu hunbi tiam chhunga pe lovin a lo tikhawtlai nia a hriat chuan hunbi tiam ral hnu atanga a pek chhuah hma zawng nitin ₹250 a chawitir thei a, ₹5000 thleng chawitir theih ani.

Second Appellate Authority chuan First Appellate Authority in chhan leh vang mumal tak awm lovin lungawilohna a hnena thlen chu hun tiam chhunga a rem lohvin ₹500 atanga ₹5000 thleng a chawi tir thei bawk {Sec 11}

Second Appellate Authority chuan Section 11 na hnuaia hremna pek tawh bakah Designated Officer emaw First Appellate Authority emaw lakah hremna (disciplinary action) dang pe turin rawtna a siam thei a, he dan hnuaia mawhphurhna te chhan leh vang mumal awm lova hlen that loh hi hremna (disciplinary action) rawt theihna tling ani [Sec 13]

**Mipuite hnena hriattir:**

He dan hi Mizoram ah kum 3 chuang hman tawh a ni a, chutih rualin a hmangtu tur mipui te'n he dan hi kan la hmelhriat tawh lo niin Sawrkar chuan a hria a. Kum 2018 August thla atang khan District/Sub Division leh RD Block hrang hrang te tuamin he dan hi mipuite hnena zirtirna kalpui mek a ni a, tin, sawrkar chuan Aizawl pawn lam District headquarters hrang hrangah college zirlaite nen emaw Seminar buatsaih a tum bawh a. Tunlai IT lama hmasawwnna hmang tangkai angin he dan hnuaia "service" hrang hrang te online a dilna thehluh leh online a pek chhuah pawh Sawrkar chuan a tum a, ICT Department in application software a siam mek a, tin, he dan hnuaiah hian "service" dang pawh la sengluh belh zel tum ani bawh. Journalist te'n mipuite hnenah he dan hi tangzai zawka hman anih theih nan min puanzar sak zel turin kan ngen tak meuh che u a ni

The Mizoram Right to Public Services Act, 2015 chungchanga hriattur pawimawhte chu DP&AR website <https://dpar.mizoram.gov.in> ah engtik lai pawhin hmuh theih reng a ni.

One Step Towards Cleanliness